



Jaorverslag 2022 (vastgesteld in de jaarvergadering d.d.23 april 2023)

Ledental

Op 1 Jan. 2022 wazzen d'r 304 leden, op 31 december 2022 331.

29 ni-je leden, 3 proef abbonementen, 2 opzeggingen, 3 aoverlaene.

Overzicht programma 2022

Op **2 februari** wazzen de beparkingen rond Corona zo'n betken veurbi-j en kon de koffiemorgen weer deurgaon. De start was nog veurzichtig met 64 betalende gasten. Thea Kroeze was de spraeker. Veuraf wodden nog 't verkiezingsprogramma van CDA Winterswijk (deur Diana vertaald in 't dialect) an-ebaone an Femia Siero deur fractieleider Wim Wassink.

Op **6 meert** was onder grote belangstelling bi-j 't Cultuurhuus in Vorden de start van de waeke van 't Achterhookse en Liemerse Book. De organisatie van dissen morgen is in hande van ECAL i.s.m. Dialectkring Achterhooke en Liemers en Vrienden van de Streektaal Lochem. Ok worden hier 't cadeaubeuvske Flonkergood epresenteerd. Ida Sluiskes kreeg 'n opstaeker veur de website "Luusteren.nl" den zeker in Corona tied een mooi aanbod van dialectverhalen bood.

Op **10 april** was de afslutende koffiemorgen met Anne Doornbos oet Drenthe. Ok dit keer wazzen d'r weer 64 betalende gasten.

Tiedens de jaarvergadering op **23 april 2022** bunt Joop Lammers en Ruud Hamburger herkozen veur de periode van veer jaar. Daor wodden ok veur-esteld um de contributie met € 3,00 te verhogen naor €18,00 i.v.m. oplopende köste.

Op **15 mei** wodden 't 65-jäöreg jubileum van de Dialectkring evierd met een gezinsveurstelling van Warboel. 't Was ne mooien morgen, d'r hadden wat meer kindere möggen wezzen, maor 't was is 'n kere wat anders.

Op **7 juli en 4 augustus** wazzen d'r weer twee geslaagde Kotmansaovende met as veurlaezers Sonja Roerdink, Mini Legters en Ankh Gussinklo op den eersten en Joop Lammers, Johan Eppink en Esther Kämink op d'n tweeden aovend.

Enkele leden van de Dialectkring hebt met-ewarkt an de Bauernmarkt op **10 juli** in Vreden. Annemarie Damveld, Ria Olijslager, Gerard Uwland en Diana Abbink hebt daor veur-elaezen. Ruud Hamburger en Ineke Wezenaar stonnen d'r met de beukekraom.

Op **20 augustus** wazzen de metwarkers van de WALD-woordenbeuke oet-eneugd umme euren boom, ne Scharlaken Eke, te kommen bekieken. De boom was op 17 december 2020 al eplant, maor deur Corona kon d'r ton gin publiek bi-j wezzen. Zo'n 40 personen kwammen bi-j mekare veur ne gezelligen meddag. Bi-jzunder was 't spontane optraen van Good Volk en Bennie Jolink.

Op **2 oktober** bu'w 't winterseizoen weer begonnen met Duo Eén en Ander. Dit keer wazzen der 88 betalende gasten.

Helaas was der in 2022 gin Dialectdag, omdat d'r nog lange onzekerheid was of 't deur kon gaon.

Rond de koffiemorgen op **11 december** mosse wi-j improviseren. Mia Tankink bleek zeek en kon neet kommen. Gelukkig wodden 't desondanks ne sfeervollen morgen met veurdrachten van eigen leden. Johan Eppink, Joop Lammers en Dick ten Hoopen. Fluitiste Marion Knol spöllen karstleedjes tussendeur. D'r wazzen 74 betalende gasten.

Bi-j de veurbereidingen van de Midwinteraovent op **28 december** was d'r opni-j paniek. De Duutse band Pattu veel ok oet deur Corona. Op 't leste moment kon Sandra Vanreys met twee begeleiders onder de name "Sandra efkes Anders" invallen. Eur optreden was een groot succes. Naost de muziek wa'n d'r veurdrachten van Gisbert Strotrees, Girbe Buist en Hans Keuper. Dit keer een mooi antal van 107 betalende gasten.

Op **12 februari en 12 november 2022** wazzen de schrieversmeddage dee altied deur zo'n 10 töt 14 mensen bezocht wodt.

Taakverdeling en diversen

In september gaf Ben Weenink an dat de energiekosten dermate duur wodden dat de zaalhure en ok de pries van de koffie naor boven mos. 't Bestuur hef deurumme motten besloeten umme de entreepries veur de koffiemorgens met ingang van oktober te verhogen naor € 10.

In 2022 he'w 5 bestuursvergaderingen ehollen. Daornaost was d'r op 7 april en op 6 oktober ne vergadering van 't Verbond. Gerard Uwland is veurzitter en Maria Stammers penningmeister van 't Verbond. Willemien Smeenk (SOV) is secretaris.

Maria is ok notuliste veur 't bestuur.

Ruud Hamburger hef nog altied samen met partner Ineke Wezenaar het beheer over de beukenwinkel, en Ruud beheert ok de site van de Dialectkring en de Stichting Schrieverspad. Daornaost mek e mooie foto's van bienao alle evenementen van de Kring en bi-jveurbeeld ok van Plat Gespöld en de start van de Waeke.

Veur de Dialectkring Achterhook en Liemers zit Else Klomps oet Wenters in de redaktie van de Moespot, waarbi'j ze ondersteund wordt deur Dini van der Kolk-van Loo.

Gerard en Ine Uwland zorgt, hoowal gin lid meer van 't bestuur, altied nog veur de verzending van de Moespötte en 't actueel hollen van 't jaorprogramma. Dat is heel fijn.

Zowal Annemarie Damveld as Henk Lettink kregen slechte berichten aover eure gezondheid. Dapper bleven ze desondanks beide töt 't leste betrokken bi-j 't wark van de Dialectkring.

Diana Abbink warkt ok veur Erfgoedcentrum Achterhoek en Liemers en zit in het bestuur van de warkgroep Achterhoek-Westmünsterland. Ze kan daordeur veur völle zaken verbindende schakel wezzen.